

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 80 (2001)

Heft: 7

Artikel: La spina ella spatla

Autor: Deplazes, Gion

Kapitel: 1: Pader Placi a Spescha 1752-1833

DOI: <https://doi.org/10.5169/seals-881892>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

1. Pader Placi a Spescha 1752–1833



Sia veta

Pader Placi a Spescha, enconuschents, malcapius, renconuschius e discreditatus sco «curios pader», ei ina dallas pli interessantas personalitads romontschas dil 18avel e 19avel tschentaner.⁵⁾

Naschius eis el ils 8 da december 1752 a Trun sco fegl vegl da Pieder Luregn Spescha ed Anna Maria, nata Genelin. El ei vegnius battegiaus cul num Geli Battesta. Sia mumma descriva Spescha pli tard sco ina femna plein fiug, cun fatscha cotschnida e spir sanadad che seigi

5 Litteratura principala, Manuscrets: Archiv dil stadi, Cuera; Biblioteca rom. claustrală ed Archiv dalla claustra, Mustér.

Stampats: Decurtins, A., 1993, Placi à Spescha ed il romontsch, en: *Romanica Rætica* 9, 31–50; Maissen, Flurin, 1970, *Placidus Spescha*, en: Bed. Bündner I, 364–373; Müller, I., 1964, Famiglia e giuventetgna da P. Placi Spescha (trs. F.M.), en: Ann. 77, 150–144; Müller, I., 1969, Nova contribuziun per la biografia da pader Placi Spescha (trs. F.M.), en: Ann. 82, 5–52; Müller, I., 1974, *Pater Placidus Spescha 1752–1833*; Pieth/Hager/Carnot, 1913, *Pater Placidus a Spescha, Sein Leben und seine Schriften*.

vegnida sin 80 onns. Siu bab eri fermezia um, hagi denton buiu aua freida e seigi en consequenza morts gia 1766 ella vegliadetgna da mo 42 onns dalla madernatscha (dil begl tschiec). Ils Speschas ein oriunds dad Andiast, il num deriva buca da «Specii» sco quei che pader Placi manegia, mobein tenor pader Iso Müller da «spissia», quei che less dir spessom, perquei denton buca forsa «in dallas caglias». Igl 'a' in tec da niebel ha Spescha inventau pér ils onns dils Franzos. Ils Speschas fuvan puraglia – lur noda casa in A grond cun ina crusch sil spitg. Era il Geli Battesta ha pertgirau las nuorsas da buob, ha denton era empriu da scriver romontsch e leger tudestg, quei cun success, aschia ch'el ha saviu ir cun 13 onns a Cuera a scola tier Thomas Romanin, il caplon dalla Cuort. Leu ha el empriu latin e musica. Cheu eis el era vegnius confruntaus cun glieud da lieunga tudestga che rieva ora il buobatsch da Trun pervia da siu romontsch, quei che ha vulnerau el zun fetg. El veva pauc avon piars il bab e scheva encrescher. Ils 1770 ei Spescha serendius cun siu magister a Mals e Tratsch el Vnuost. Era cheu ha el giu difficultads pervia da siu romontsch. Da s. Placi 1771 tuorna il mat da 19 onns a Mustér ella scola claustral a ed entra 1774 sco frater en claustra. Suenter 2 onns va el a Nossadunnaun, nua ch'el studegia filosofia e teologia en claustra benedictina e vegn ordinatus spiritual ils 1782. Ils onns da Nossadunnaun arvan ad el senn e talien per la historia sco per las scienzias naturalas. Mo era cheu fa Spescha adina puspei persenn ch'ins ri ora el pervia da siu lungatg sco a sias uras a Cuera. Sco giuven pader Placi tuorna el a Mustér. Strusch anavos en sia cara Cadi, entscheiva Spescha cun in lexicon en treis lungatgs: latin, romontsch e tudestg⁶⁾, in manuscret da 46 paginas foglio. A Nossadunnaun veva el fatg enconuschiantscha cun litteratura sur dallas scienzias naturalas. Ussa veva pader Placi la pusseivladad da per-scrutar sez la natira. El ha entschiet a rimnar mineralias, oravontut cristallas ed a dessignar cartas geograficas sin fundament da sias turas.

6 Pieth/Hager/Carnot, 1913, Pater Placidus a Spescha, LXXXVIII, 2: Nomenclator Latinus, Rhaeticus et Germanus Elaboratus Secundum Linguam Rhaeticam et ejusdem Renovationem de Anno 1782.

Eifer ils onns 1782 entochen 1799 disponeva Spescha da circa 50 differents minerals e fageva era marcanzia cun crappa.⁷⁾ Sch'igl avat veva all'entschatta susteniu pader Placi en sia scrutaziun dalla natira, ha el in tec alla gada empruau da frenar empau siu anim grond e sias turas adina pli allontanadas.⁸⁾ Plinavon fuva el occupaus en claustra sco bibliotecari ed econom (pader statalter). En quella scharscha hagi el «piars nuot auter che sia corpulenza», relata el sez. Tras sias turas e ses studis fuva pader Spescha vegnius confruntaus cun las ideas modernas digl illuminissem ed enconuschents lunsch entuorn. E sco carstgaun natural e tras sias ideas e siu sedepurtar, cura ch'el mava ora sillars pleivs, nua ch'ei fuva basegns, vegneva el gia suspectaus tscheu e leu dil pievel che viveva en in temps baroc exprimiu.

Cheu rumpa la revoluziun franzosa ora. Las armadas franzosas occupeschan era la Svizra cun lur ideas e baionettas. La Svizra e las Ligias vegnan el turmegl denter il bien temps vegl ed il niev glienadi. Aschia era la claustra cun ses paders. Ils ins tegnan cun l'Austria ed il bien temps vegl, auters, oravontut pader Placi, cul niev. La disfidanza viceversa crescha.

Il mars 1799 arrivan ils Franzos sur il Lucmagn e l'Alpsu a Mustér ed occupeschan la Cadi. General Gion Luregn Demont, in Lumnezian ed anteriur scolar da Mustér, occupescha las punts a La Punt. La Cadi en fetgas e temas tarmetta ina delegaziun, cun lezza era pader Placi, enconuschents sco amitg dallas ideas franzosas, ferton che la claustra cun sia simpatia per l'Austria sto acceptar in'occupaziun franzosa e stuess pagar in'enorma contribuziun da 100 melli livras franzosas. La claustra sto dar tut quei ch'ella posseda, era la paramenta, pader Placi sia biblioteca e sia biala collecziun da cristallas e cartas geograficas.

7) Aschia sa pader Iso da raquintar ch'il filosof Christoph Meiners da Göttingen vessi survegniu da Spescha aunc pli bia crappa e cristallas, sch'el vessi buca temiu che ses cavals vegnessien engrevegiai memia zun sin las vias maltscheccas.

8) «Es fehlte mir gewiss nicht an Muth und Kräften, diese Gegenden selbst zu bereisen; allein ach! ich kann meinen Obern noch nicht begreiflich machen, dass solche Reisen mir genug anständig und andern nützlich [wären].» Pieth/Hager/Carnot, 1913, Pater Placidus a Spescha, XII.

Pader Spescha arriva a Cuera ed emprova da mitigar la situazion, fagend attents en in memorial che la direzia dad in Hardeville e siu secretari Fromage provocheschien ina revoluziun en Surselva. Spescha ei aunc buc a casa che la revoluziun rumpa ora. A Mustér vegnan ils Franzos pigliai, mazzacrai e lur uniformas zuppadas en claustra.

A La Punt vegnan ils Sursilvans rebatti ed ils Franzos occupeschan danovamein la Surselva. La claustra vegn spogliada ed arsentada aunc duront che Spescha ei a Cuera, perdetga dil grond di ch'ins ha erigiu ina plonta dalla libertad silla Cuort. Cun quella caschun ha el urbiu ora ch'ils Franzos han strihau dalla giesta dils depurtai igl avat Laurentius (Cathomen) e ses dus confrars Adalgot Waller e Martin Riedi. Quei malgrad che general Masséna rapporta ils 10 da matg a Paris che «Les moines du couvent de Dissentis étaient les principaux artisans de ces scènes d'horreur»⁹⁾. Arrivaus ensemens cun in confrar a Mustér, ei la claustra spogliada ed intschendrada per gronda dolur da pader Placi.

Paucs dis pli tard victorisescha general Hotze neu dall'Austria ed ils Franzos ston ceder. Ils amitgs dalla Frontscha ni tals ch'ins pren per tals, 83 persunas, vegnan arrestai e depurtai a Puntina (Innsbruck), pli tard a Graz. Denter quels era Spescha, taxaus sco in miez Giacubin e tradius, sco el sez ha adina cartiu, da ses confrars, gest da quels ch'el veva liberau dalla depurtaziun franzosa. Quei ha pader Placi mai saviu emblidar. «Jeu fuvel in Republican e carezavel la libertad e cartevel da viver aschia en ventira», di el sez. Pertgei lu in Giacubin? «Ins ha viu en mei in Franzos perquei che mia devisa fuva da suandar ellas lavurs da mia clamada mo igl evangeli.»¹⁰⁾

9) Ils mugns dil convent da Mustér eran ils principals artisans da quellas scenas da sgarschur. Müller, I., 1971, Geschichte der Abtei Disentis, 172.

10) «... wenn einer die Kaiserlichen nicht bis zu den Wolken erhebte und die Franzosen vom Beichtstuhl und Kanzel aus bis in die Hölle erniedrigte, der war als ein Franzose, Irrglaubiger und Veräther des Landes angesehen; wer in seinem Umgang und bey Gesellschaften die Franzosen nicht als die schlechtesten Leute in der Welt, als eine Nation ohne Glauben und Sitlichkeit schilderte, und sie, eher als Gott das Urtheil darüber sprach, verdammte, der war ein Franzos; wer den Franzosen etwas Gutes that, oder ihnen etwas Gutes gonte, sie nur zum Theil entschuldigte u.s.w., der war ein Franzos, folglich auch ein Jacobiner, ein nichts werthiger Mensch.» Pieth/Hager/Carnot, 1913, Pater Placidus a Spescha, 101.

P. Placi sco enconuschider da nos cuolms e ses pass e trutgs fuva d'interess pils Franzos. El veva persequitau ils eveniments en Frontscha ed era amitg digl illuminissem che veva provocau la revoluziun franzosa. El fuva in adherent dalla sauna raschun e dalla natira, mo mai in inimitg ni dalla claustra ni dalla patria.

Duront sia depurtaziun tochen 1801 ha Spescha fatg bunas enconuschientschas da persunas impurtontas, aschia da ser Mattli Conrad, plevon ad Andeer, perscrutader ed autur romontsch, Landrechter Georg Anton Vieli, in autur ed um politic ed auters: Summa summarum la feffa dalla scienzia e sabientscha retica, aschia ch'el attesta sez ch'el hagi giu la ventira de veginir transportaus ad 'Insbruck'.¹¹⁾ Malgrad quei ei Placi a Spescha turnaus a Mustér tier ses confrars sco in auter. La fidonza en lezs e sia relaziun culla claustra fuvan denton sclavinadas per adina. El fuva perschuadius che gest ils confrars hagien survanau el tier ils Austriacs.

P. Placi fuva da natira in um spir talents ed interess che cultivava contacts lunsch sur igl intschess grischun ora. Principalmein damondas da lungatg e la perscrutaziun dalla natira stavan a cor agli. El fuva perquei magari savens per las pitgognas. Mo fuva era renconuschius sco plevon e predicatur.

En claustra denton sesenteva el buca pli da casa suenter siu retuorn ils 1801. El ei staus igl emprem a Rumein el Benefeci clastral, lu a Sumvitg e caplon a Rabius, da leu en Val S. Pieder, lu a Pleif e da leu a Cavardiras. In onn suenter a Selva e Tschamut, pli tard a Sedrun. Da leu ha el stuiu turnar per gnanc dus onns en claustra. Ils 1816 eis el serendius a Trun, sia vischnaunca burgheisa e nativa, ed ei vegnius eligius leu sco caplon per veta duronta. El habitava ella Cuort Ligia Grischa cun siu superiur pader Adalgott Waller che duei ver tgisau el als Austriacs! All'elecziun da pader Anselm Huonder dils 1804 che fuva buca staus il preferiu da Placi Spescha, suonda 1826 gest pader Adalgott Waller, siu superiur a Trun sco avat.

11 Pareglia Pieth/Hager/Carnot, 1913, Pater Placidus a Spescha, 494s.

P. Placi fuva plein disfidonza e fageva ina capriola suenter l'autra. Gie, el veva il sentiment da vegnir persequitaus da tuttas varts senza esser pertscharts che era el fuva pli che mo empau in «curios pader». Muder-giond e mudergiaus,¹²⁾ eis el morts ils 14 d'uost 1833 ella vegliadetgna dad 81 onn culs plaids «Ussa dat la baracca ensemens» ed ei vegnius satraus a Trun.¹³⁾

Sia spina

P. Placi a Spescha ei staus in um plein temperament e plein talents. Sco affon da siu temps denter baroc e temps modern eis el vegnius confruntaus, allerts sco el fuva, cun las ideas novas digl illuminissem ord Frontscha. El carteava ella sauna raschun e quintava da sclarir ils misteris dil mund cun quella. Quei regl ha plantau en Placi a Spescha la febra da perscrutar, da tschercar ils sclariments en emprema lingia ord la natira, naven dallas flurs e plontas tochen allas cristallas. Ella ha carmalau el sur cuolms e pézs cun lur misteris. Denter auter sur muntognas che negin veva surmuntau. Aunc cun 72 onns, per calonda settember 1824, ha el empruau da contonscher la culminaziun dil Tödi ensemens cun ils catschadurs Placi Curschellas ed Augustin Bisquolm, ils quals han fatg il davos toc persuls. Ils 1820 ha el aunc maniu silla Greina (2424 m.s.m.) ed ei naven da leu serendius la damaun en duas uras e mesa a Vrin per far leu la messa da s. Luregn, ils 10 d'uost.

Da ses stentus viadis eis el returnaus cun novas experienzas ed investas, cun minerals e cun skizzas per cartas geograficas.

La natira cun ses misteris ei stada ina dallas miras da sia veta.

La pli impurtonta ei denton daventada la secunda, la perscrutaziun da siu lungatg mumma, dil romontsch. Quella ha tschaffau el gia da giuven per veta duronta. – Ella ei daventada decisiva.

12 Pareglia Müller, I., 1969, Nova contribuziun per la biografia da pader Placi Spescha (trs. F.M.), en: Ann. 82, 47 ss.

13 Schönbächler, D., 1995, P. Placidus a Spescha – «il curios pader», en: Beiheft Nr. 4 zum Bündner Monatsblatt, 11–24.

Il Geli Battesta fuva in buob spir veta ed ha entschiet cun far il pastur. Cun diesch onns eis el ius a scola e sto esser staus in bien scolar. El scriva sez ch'el hagi empriu en treis onns da leger e scriver e da capir empau tudestg, aschia ch'ils geniturs han tarmess el cun 13 onns a Cuera el «Seminari pign». Cheu eis el vegnius confruntaus per l'emprema gada cul mund tudestg. Ins ha ris ora il sensibel buobet sursilvan pervia da siu tudestg. Quei ha vulnerau il Geli Battesta che veva piars denton siu bab e scheva encrescher. Mond siu scolast da latin, caplon Thomas Romanin, el Vnuost, a Mals e Tratsch, ha Spescha suandau el. Mo era cheu ha siu tudestg-romontsch provocau pataheflas e gomias. Igl onn 1772, cun vegn onns, entra Spescha ella scola claustral a fa leu 1774 il profess. Silsuenter vegn el tarmess a Nossadunnaun per far leu studis da teologia e filosofia. Era cheu spir strihadas e snarregem pervia dil romontsch. Malgrad quei ha el profitau zun fetg dalla scolaziun a Nossadunnaun sut l'egida digl avat Marian. El ei turnaus 1782 cun in cor romontsch vulnerau. «Lou hai iou seregordau de las repraehensiuns d'il Lungatg romansh fatgas en Quera – el Tirol ed en Nossadonaun.»¹⁴⁾ Aunc igl onn 1823 scriva el il sequent: «Schon vor mehr als 50 Jahren, als ich nach Chur zum Unterricht geschickt war, empfand ich die Streiche, welche man meiner Muttersprache vesetzte und dachte bei mir selbsten: muss ich denn in einer so verächtlichen Sprache gebohren seyn? Allein diese verächtlichen Vorwürfe, an welchen ich nicht in mindischen Schuld war, weckten mich auf und ich kann der Vorsehung nicht genug danken, dass sie (die Vorwürfe) mir vorgestellt worden sind.»¹⁵⁾

Quei ei stau la spina e la motivaziun principala. El scriva sez: «Seither verging kein Jahr, vielleicht kein Monat, dass ich ihr (der Muttersprache) nicht nachforschte.»¹⁶⁾

Alexi Decurtins scriva leusura en connex cun «Placi à Spescha ed il romontsch»: «Franc eisi stau dapli che mo stinonza che ha renviau el

14 Decurtins, C., 1911, Crestomazia IV, 675.

15 Müller, I./Berther, N., 1974, La scartira fonetica dil lungatg romontsch da Placi a Spescha, en: Ischi sem. 59, nr. 2, 70 (nota 1).

16 Müller, I., 1974, Pater Placidus Spescha 1752–1833, 62.

al studi dil lungatg.» La luschezia offendida tras las gomias sur dil lungatg mumma.

Cun 71 onn aunc, mirond anavos sin quei ch'el veva fatg e tschercau sil territori dil lungatg romontsch e sia scompa, di el: «Jeu considereschel il studi d'in lungatg per in pensum da veta duronta.» Quei ha el fatg sin plirs binaris, per romontsch e per tudestg. Beinenqual caussa ha el entschiet spir anim, mo deplorablamein buca finiu, aschia che relativamein pauc ei vegniu stampau ed el ha buca giu la radiazion meritada e giavischada. Autras caussas ein stadas utopias senza la pusseivladad da realisaziun. Ideas ein denton virulentas e sereali-seschan buca tenor il calendari.

Sia lavur e retscherca en quei senn entscheiva culs onns 1782. Sia idea ei ch'il lungatg romontsch stoppi vegnir migliuraus, quei tenor la devisa: «Mintgin skrivi sco ael plaida!» Per quei intent scafflescha Spescha siu «ABC alpin» 1782–85. Ils onns dalla revoluziun cun ses gronds disturbis e sia depurtaziun a Puntina dils 1799 entochen 1801 pretendan ina pausa, mo porschan da l'autra vart sentupadas d'impur-tonza, oravontut cun ser Mattli Conrad, il vigurus Romontsch da Schons, ed auters «Omens literai», aschia ch'el attesta dad haver «giu la ventira de vegnir transportaus ad Insbruck».

Returnaus e sesents sco caplon a Rabius 1804, catta el temps da revegnir a sia idea. En sia lavur «Literatura Grisuna vaedra e nova» dat el ina cuorta survesta, pretendend ch'il «Lungatg romansh ha giu nagin autra cultura, cha quaella, c'ils Omens literai han dau. Aell'aera senza Bab, e senza momma, tschenclada denter vals e, Quolms.» Igl arcun dalla litteratura veglia fuva en claustra a Mustér «gl archiv d'il Lungatg romantsh, il qual d'igl on 1776 deven ei vegnius malamein splimaus, d'igl on 1785 envi malamein kultivaus, ed a la fin gl on 1799 totalmain dersentaus.»¹⁷⁾ Ins haveva a sias uras fatg in alfabet nunsufficient, aschia era recaltgau in lungatg malperfetg. La secunda munconza dil «Lungatg aei derivada d'ils Omens literai. Quaels, paer voler aesser

17 Crestomazia IV, 673.

paerdaerts, e vegni teni paer tals sternaevan denter lur tshontshas, e skrits plaids iasters senze ne risguard ne miserikordia, e kun quaei han aei ons lavagau la Literatura, ka meglorau aela.»¹⁸⁾ Sia «Literatura Grisuna vaedra, e nova», concepida 1805 presenta la litteratura romontscha en treis periodas: quella dalla spada 1560–1680 (Bifrun, Gabriel, Calvenzano, Wietzel), la perioda d'aur (cun Alig, Wendenzen, la «Consolaziun») e la perioda dil 18 e 19avel tschentaner cun las Biblas, cudischs da medischinas, grammaticas, vocabularis e litteratura giuridica. Ella concluda culla litteratura poetica: Th. de Castelberg, Georg Anton Vieli, J. Steinhäuser, M. A. Caderas e.a. Aunc 1819 scriva el in «Codish de literatura Romansha».

Siu alfabet alpin cun enzennas foneticas veva all'entschatta 29 fuomas ed ei carschius sin 32–33, pli tard schizun sin 40. In tal sistem veva pintgas schanzas. Interessant ei ch'el plaida quels onns era ch'ei fussi da fundar in «Sprachverein gelehrter Patrioten» (ina specia da societad retoromontscha).

Arisguard la derivonza dil romontsch e sia relaziun culs auters lungatgs fa el da tuttas capriolas empau memia fantasticas per saver constar. El vesa la derivonza dil romontsch directamein dil lungatg plidau dil marcau etern da Roma. Il romontsch ei pia la clav da tut ils lungatgs. Igl onn 1814 scriva Spescha ina «Grammatica Latina e Romantsha paer La Giumentegna Grischuna, accomodada a la Scola Desertinensa» ed in onn pli tard la «Grammatica Latina e Romansha».¹⁹⁾ Sia finamira fuva aunc adina in gimnasi romontsch-latin a Mustér, malgrad ch'in tal fuva gia vegnius discutaus e renviaus ils 1804. Ina idea ch'ei mai stada schi maneivla sco gest ozildi, nua ch'il romontsch ei renconuschius sco lungatg mumma e la gronda part dils scolars e dallas scolaras ein Romontschs.

18 Crestomazia IV, 674.

19 Omisduas grammaticas ein restadas manuscret.

La finamira principala e finala da Spescha fuva denton ina *naziun romontscha*.

A tala finamira levan sias stentas, scrutaziuns ed emprovas linguisticas, beinduras utopicas, survir.

Arrivar ad in lungatg scientific per cheutras contonscher ina naziun romontscha. Tedleien el sez:

«A ti, o pievel cumin! Per tei, o giuventetgna grischuna, hai jeu interpriu quella lavuretta cheu. Legia e surlegia quella, patratga e ponderescha quella. Jeu quentel e quentel quintar endretg, ch'ella detti a ti vera e clara, gie tscheu e leu veramein resplendenta glisch sin tgei fundament ti hagies da tschentar tes studis e tias scienzias!

Jeu ditgel a ti, giuven Grischun, ch'ei detti negin auter fundament tier studis e scienzias che la perfetga savida da tiu lungatg matern. Pertgei igl ei caussa decidida, che nossa savida sereferescha al lungatg, tochen alla tschaffada da nossa udida e vesida. Il lungatg ei quel che presenta tut quei e per consequenza era quel che dat il fundament da nos studis e nossas scienzias.»²⁰⁾

En l'introducziun appartenent sia «Allgemeine Romanisch-Deutsche Sprachlehre» digl onn 1821 motivescha el sia stenta aunc pli clar e bein.²¹⁾

«Man bemerkte nun schon, dass ich eine romanische Sprachlehre bearbeiten und sie ausführen wolle; man ist aber gewiss begierig zu wissen, wie und mit welchen Mitteln dies geschehen könne. Die Griechen redeten in verschiedenen Dialekten oder Mundarten; so die Römer und andere Völker mehr. Man besann sich, und wurde eins, von verschiedenen Nationaldialekten den tauglichsten Stoff dazu zu nehmen, um eine Schrift- und Gelehrtensprache hervorzubringen, und dies gelang ihnen vollkommen. Wenn also dies möglich und nützlich war, warum (sollte es) nicht auch uns seyn? Wenn es möglich, gedeihlich und ehrbar war, der romanischen Sprache zu entsagen, um die deutsche an sich zu nehmen, warum sollte es uns nicht

20 Crestomazia IV, 688 (en lungatg ed ortografia dad oz).

21 Pareglia Pieth/Hager/Carnot, 1913, Pater Placidus a Spescha, 505s.

eben so gedeihlich, möglich und ehrbar seyn, uns zu vereinigen, um aus unsren verschiedenen Dialekten den Stoff dazu zu nehmen, um eine Schrift- und Gelehrtensprache hervorzubringen, um dadurch vermittelst der Sprache eine selbständige Nation zu werden?»

Quei che Placi a Spescha ha postulau lu ha adina puspei fatschentau ils Romontschs, tochen oz – sche nus ditgein dallas emprovas da G.A. Bühler e da L.Uffer tochen al rumantsch grischun.

Pader Placi ha buca viu che sias ideas ed utopias vegnien enzacu a severificar. El ei staus en la secunda part da sia veta negliu propi da casa. «Tgi che legia sias brevs, sco per ex. quella a decan Steinhauser 1820 e biaras autras, arriva alla ferma perschuasiun, che Spescha piteva propi dalla tema d'esser persequitaus.»²²⁾

Cheu schai la spina che ha turmentau el tochen la mort. Mo 4 onns avon sia mort scriva el aunc: «Jeu sesmarvegliel mez da mia stedia premura da perscrutar quest miu lungatg. Mo quei ei stau mia pli nobla occupaziun, e quei dapi varga 60 onns.»²³⁾

Sia veta

La veta di mësgrund canunie dil pur ervenale libri è resa trascritta personalia d'instudent pien ideals ed nòpias e dil davossechazur dad in un sli precut da piarerciu davos tschespet e leggi. Giò Antoni Huonder ei naschins als 18 da novembre 1821 al bisig posil da Segnas. Il hub mura in pur heitstont. Si imponna da el puerzia 1853 cum dò onns fischivare lu e affondi. Stafen, Giò Antoni, il Trunasech e la Tressa. La seconda la veta nòva restarà in veta la Cetlita ed il Latte.

Il Giò Antoni ha frequentato la Scuola comunale catolica, situata da quel temps a Minster en classis. Igit ann 1841 «ls ella regad/ transmessa a Cuera sì». Lezi il Giò Antoni ha continuato n'zimmari a

22 Müller, I., 1969, Nova contribuziun per la biografia da pader Placi Spescha (trs. F.M.), en: Ann. 82, 50s.

23 Decurtins, A., 1993, Placi à Spescha ed il romontsch, en: Romanica Rætica 9, 38.

am frage ist ob preiswert sein, ob es auch die Preisschwelle, da die hohen und zu niedrigen Preise nicht den Nutzen des Produktes bestimmen werden kann. Beispiele wie bei den Autorennwagen und Motorrädern zeigen, dass die Preisgestaltung auf die Produktionskosten und den Nutzen des Käufers abgestimmt ist. Wenn man einen Preis erhöht, so muss er einen höheren Nutzen für den Käufer haben. Ein Beispiel ist das Auto. Bei einem Auto müssen die Kosten für den Bau, die Kosten für die Produktion, die Kosten für die Vermarktung und die Kosten für den Verkauf berücksichtigt werden. Wenn ein Auto sehr teuer ist, dann ist es wahrscheinlich, dass es nur wenige Personen kaufen werden. Wenn ein Auto sehr günstig ist, dann wird es wahrscheinlich, dass es viele Menschen kaufen werden.

Ein Einführungssatz appartieren sie »Allgemeine Romanisch-Deutsche Sprachlehre« (dtg.) um 1821 motivischen ist sie steht eine pflanzliche Meinung dar. Sie ist eine Meinung, die sich auf die Pflanzenwelt bezieht. Man bemerkt unzweckhaft, dass ich eine romanische Sprachlehre bearbeiten und sie bearbeiten wolle; man ist aber zweckmäßig zu wissen, wie und mit welchen Mitteln dies geschehen könnte. Die Griechen redeten in verschiedenen Dialektien oder Mundarten, so die Römer und andere Völker mehr. Man besann sich, und wurde eins, von verschiedenen Nationaldialektien den fruchtbarsten Stoff dazu zu nehmen, um eine Schrift- und Gelehrtensprache herzurühren, und dies gelang ihnen vollkommen. Wenn also dies ihnen möglich und nützlich war, warum sollte es nicht auch uns seyn? Wenn es möglich, gedeihlich und ehrbar war, der romanischen Sprache zu ensuchen; und die deutscheren sich zu nehmen, warum sollte es uns nicht

so (1671, 211) schreibe: «Zum Anfang der Schrift ist ein Zusatzdruck vorzuheben, der erläutert: »Durch die Erfindung der Buchdruckerei wurde die Sprache der Romane leichter und lebhafter als jemals zuvor.« 200. 56 und 21. August 1806: »Die Romane sind der einzige, der durch die Erfindung der Buchdruckerei gewinnt.«